



## Universitätsbibliothek Paderborn

### Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

**Parisiis, 1644**

Epistola CCCXVI. Ioannis Papae VIII. Ad Comites In Regno Lvдовici Regis Baioariae Constitvtos. Arguit eos, quod Caroli regnum peruadere tentarint; monetque vt Ludouicum regem ab ea mente reuocent, & ...

**urn:nbn:de:hbz:466:1-15967**

scatis? nunquamque de reliquo, siue blandimentis, siue terroribus, consensum quemlibet fauoremve præstetis ad funestum prælium conferendum, & Christianorum sanguinem profundendum, si non vultis, amissis sacerdotalibus infulis, ab apostolica communione præsentialiter sequestrari, & perpetuis anathematis vinculis, quod nunquam cupimus, obligari? Nam cuiuscumque sit gradus, ordinis, sublimitatis, siue professionis, qui cum præsentibus legatis nostris, Ioanne Siculensi, itemque Ioanne Tuscanensi, venerabilibus episcopis, quos vice nostra illas in partes ad examinanda simulque diffinienda canonice siue legaliter, quæ hoc anno inter vtrosque emersere negotia, conuenire in loco ab eis designato, eisque satisfacere humiliter detrectauerit, auctoritate Dei omnipotentis, sanctorumque apostolorum Petri & Pauli, nostræque mediocritatis, veniam sibi deinceps nouerit denegari. nec amo do communionis nostræ, vt verbis sanctissimi nostri prædecessoris vtamur, futurum esse consortem, quisquis esse noluerit disciplinæ. Optamus sanctitatem vestram sedis apostolicæ monitis obsequentem semper in Christo bene valere. Recitata in Synodo Pontigonensi.

## EPISTOLA CCCXVI.

## IOANNIS PAPÆ VIII.

AD COMITES IN REGNO LDOVICI REGIS  
BAIOARIÆ CONSTITVTOS.

Arguit eos, quod Caroli regnum peruadere tentarint; monetque vt Ludouicum regem ab ea mente reuocent, & vt legatis, quos mittit, satisfacere non detrectent.

*Ioannes episcopus seruus seruorum Dei, omnibus gloriofis comitibus in regno Hludouici regis Baioariæ constitutis.*

**M**INISTERII nostri est, vniuersalis ecclesiæ Dei sollicitudinem, secundum beati Pauli apostoli sententiam, circumferre, & quid in qualibet mundi parte congruat, siue non congruat, censoria grauitate depromere: quatinus oues dominicæ, quæ vocem pastoralis nostræ sollicitudinis cognoscentes, pastorum principem humiliter

Z z iiij

audiunt, in ouile dominicum recognitæ collocentur, & oves morbidæ, quæ peruicaciter negligunt, ab ouili domino, ne sanas vicini pecoris contagio lœdat, quia nimirum multa corporibus transitione nocent, per apostolicæ auctoritatis ministerium repellantur. Scriptum quippe est:

*Ier. 15.**Matth. 5.**Matth. 18.**2. Thess. 3.**Prover. 6.**Matth. 5.*

*Si separaueris carum a vili, quasi os meum eris. & iterum: Auferete malum de medio vestri. & Dominus in euangelio præcipit, vt si oculus, pes, vel manus scandalum nobis generat, abscidatur atque proiiciatur. & illud post alia: Si ecclesiam non audierit, sit sicut ethnicus & publicanus. Item Apostolus: Si quis non obedierit verbo nostro perecipitolum, hunc notate, & non commisceamini cum illo. Quibus testimonii evidenter prouocamus, vt vos, quos contemptis apostolicæ sedis epistolis, regnum dilecti filii nostri Caroli Christianissimi imperatoris, contra interdictum nostrum, imo contra Dei omnipotentis timorem, peruadere, sicut audiuitus, pacemque sanctæ Dei ecclesiæ corrumpere tentauistis, a corpore totius eiusdem ecclesiæ, quam per antecessores nostros, perque nosmetipso, vos suis epistolis commonentem audire haec tenus noluitis, sequestrari præstantialiter debeatis. Sed quoniam sanctæ sedis apostolicæ miseratio vos interim filiorum dilectione complectitur, & dissimilare peccata vestra magis quam punire velle cognoscitur, has iterum caritati vestrae sanctæ Dei ecclesiæ literas destinamus, hortantesque instamus, vt diuini iudicii memoris, & fraternali foederis recordantes, imminentemque vestrae vocationis diem ultimum præcauentes, fraudem diabolam, per quam mors introiuit in orbem terrarum, effugiatis: discordiam, quæ nutrix est cunctorum criminum, quasi venenum pestiferum declinetis: ne similes ei efficiamini, de quo Salomon ait: Homo apostata, vir inutilis, graditur ore peruerso, annuit oculis, terit pede, digito loquitur, prauo corde machinatur malum, & in omni tempore iurgia seminat. Pacem & sanctimoniam, fine qua nemo videbit Deum, diligatis. quoniam sicut pacifici sunt a Domino non solum beati, sed etiam filii Dei vocati: ita satanæ sunt filii, qui pacem confundunt. Nam discordes tamdiu nullum boni operis Deo sacrificium immolant, quamdiu a proximorum caritate discordant. Vnde per Matthæum præcipitur: Si offers munus tuum ad altare, & ibi recordatus fueris quia frater*

*tunc habet aliquid aduersum te, relinque munus tuum ante altare, & vade, prius reconciliare fratri tuo, & tunc veniens offer munus tuum.* In qua dominica præceptione pensandum est, quorum hostia respuitur, quam intolerabilis culpa monstratur. Cum enim mala præterita bonis operibus diluantur, pensare debetis, o prudentissimi comites, quanta sunt mala discordiæ, quæ nisi extincta fuerint, bonum sacrificii subsequi non permittunt. Quis itaque dilectissimi, vos ad tantæ discordiæ crimina, nisi antiquus humani generis aduersarius, prouocauit? qui ex angelo factus apostata bonæ messi semper zizania superseminare laborat. De cuius auditate per apostolum dicitur: *Aduersarius vester diabolus . 1. Cor. 10. 5.* tamquam leo rugiens circuit, quærens quem deuoret: cui resistite fortis in fide. Et certe fides sine operibus mortua est. & beatus Paulus, collatis multis virtutibus, caritatem, quæ multitudinem peccatorum operit, prætulit dicens: *Sine prophe- 1. Cor. 13.* tiæ euacuabuntur, siue linguae cessabunt, siue scientia destruetur. & infra: *Nunc autem manent fides, spes, caritas, tria hæc, maior autem his est caritas.* Vnde bene per Ioannem dicitur: *Deus cari- 2. Ioan. 4.* tas est, & qui manet in caritate, in Deo manet, & Deus in eo. Constat ergo quia qui in Deo non manet, in diabolo manet, cuius membra sunt omnes, qui iurgia seminant, & ecclesiasticam disciplinam recusant, quibus veraciter dicitur: *Vos expatre diabolo estis.* Qui videlicet Caroli virtutibus ab *Ioan. 8.* ineuntis ætatis principiis inuidens, eiusque religiosum propositum longius propagari pauescens, multis aduersitatibus lacerriuit: fideles eius frequentissime rebellare suasit, in bello contra Northmannos pro ecclesiæ Dei liberatione pugnanti, eosque usque ad ultimam ditionem compellere satagenti, senioris vestri, parentum quoque, siue vestrum animum ad inuasionem relieti eius imperii, sicut & modo fecisse dinoscitur, suscitauit. Ipsos familiares, ipsum postremo filium, ad eius exterminium hostiliter prouocauit: & ne quando ad imperium, quod ei constat non humano collatum beneficio, licet per nostræ mediocritatis ministerium, sed diuino, pertingere potuisset, tota fraudulentia suæ virtute prohibuit, tota consilii sui versutia debellare certauit. Sed Deus omnipotens, cuius prouidentia per mutabilem rerum principes totius mundi latitudo gubernatur & regitur, hunc flagellis erudiri

frequentibus voluit, deprimi penitus, sicut a vobis crebro probatum est, nunquam permisit. ut scilicet futurus imperator in regni potestate disceret, quantum timere Dominum in prosperis, quantum in aduersis Deo confidere debuisset. Et quidem reprehensibilis esset, si metas sui regni ingrediens fines alterius usurpasset, si fideles alterius solicitans, ad periurium, sicut vos fecisse probamini, compulisset, si pacem regni, sicut vos facitis, temerasset. Nunc vero, cum diuinitus præscitus & prædestinatus, non a semetipso, sed ab ecclesiæ Dei filiis inuitatus aduenerit, sine sanguine, sola sua benevolentia huius Italæ fortissimos sibi duces deuinxerit, angelico munere vias suas per inuia loca directas inspexerit, frustratis insidiis ei compositis diuinitus liberatum se senserit, paludes inuias sibi peruias factas inuenerit, vada profundorum fluminum, velut alter dux Israeliticus, exercitibus suis pene sicca repererit, miramur & obstupecsimus, cur eum a Domino prælatum non intelligitis vos, qui sensibiles estis, quem elementa insensibilia sensisse videntur. Miramur & obstupecsimus, cur parricidalia contra eum arma sustollitis, quem ab ipsa sua infantia multis aduersitatibus fatigatum vidistis, superatum vero protegente Domino minime cognouistis. Miramur, inquam, & obstupecsimus, cur eum, quem obedientiæ suæ merito vobis diuinitus prælatum cognoscitis, non sicut reuera imitabilem sequimini, sed sicut detestabilem, quantum in vobis est, persequi laboratis. Cum si exemplo illius obedientiæ vos sanctæ sedes apostolica sibi aliquoties deuotiores cognosceret, benedictionis suæ vos & in hoc sæculo gratia debriaret, & in futuro ad hereditatem regni cælestis admitti suis continuis precibus impetraret. Sed quando sanctæ sedi apostolicæ debitam vos obedientiam seruatueros putabimus, quos contra Dei omnipotentis ordinationem tam manifestis indiciis rebellare videmus? Neque enim contra Carolum est murmur vestrum, sed contra Dominum, cuius est regnum, & cui voluerit ipse dat illud, qui etiam per Salomonem dicit: *Per me reges regnant.* item per doctorem gentium testatur dicens: *Non est potestas, nisi a Deo.* & iterum: *Qui potestati resistit, Dei ordinationi resistit.* Redite igitur præuaricatores ad cor, & quia mors non tardat, nolite differre

*Prov. 8.**Rom. 13.*

differre de die in diem. Nolite socialia bella committere: nolite parricidales gladios in perniciem vestri sustollere. Nolite Fontanicum detestabile prælium reuocare. quia sicut qui pro ecclesiæ Dei defensione moritur , suo sanguine coronatur : ita qui contra Dei ecclesiæ pugnans ut refuga Christianitatis perimitur , procul dubio condemnatur. Nolite , carissimi , pro breuibus vitæ commodis æternæ remunerationis vobis ianuam claudere. Nolite pro rebus transitorii æternorum bonorum commoda præterire. Quia iuxta beati Marci sententiam , *nihil Matth. 8. prodest homini si lucretur totum mundum, animæ vero suæ detrimentum patiatur.* Huius rei gratia generalitatem vestram , quam paterno affectu complecti volumus , his apostolicæ auctoritatis literis idem tidem hortamur ac obtestamur , vt tandem aliquando nobiscum pariter sentientes , tam dilectum filium nostrum Hludouicum gloriosum regem vestrum , ( si tamen filius dici meretur , qui apostolicæ sedis monitis semper inobedientissimus extitit , si glorus duci debet , qui adhuc in senectute decrepita Christiani sanguinis effusionem desiderat , si rex duci debet , qui neque vos , neque semetipsum regere valuit , quominus absens fratri regni pacem corrumperet , ) quam cunctos vestri regni homines , voce libera moneatis , & ab inuasione siue oppressione imperii dilecti filii nostri Caroli semper Augusti funditus retrahatis: nunquamque de reliquo , siue blandimentis , siue terroribus , assensum quemlibet , fauoremve præstetis ad funestum prælium inferendum , & Christianorum sanguinem , quod Dominus auerterit , effundendum. Nam cuiuscumque sit sublimitatis , dignitatissime persona , quæ præsentibus legatis nostris , Ioanne Siculensi , itemque Ioanne Tuscanensi , venerabilibus episcopis , quos vice nostra illas in partes , ad examinanda simulque diffinienda canonice , siue legaliter , quæ hoc anno inter vtrosque fratres emersere negotia , conuenire in loco ab eis designato , eisque satisfacere humiliter detrauerit , auctoritate Dei omnipotentis , sanctorumque apostolorum principum Petri & Pauli , nostræque mediocritatis , veniam sibi deinceps nouerit denegari , nec amodo communionis nostræ futurum fore consortem , qui socius esse noluerit disciplinæ. Optamus gloriam vestram

Concil. Tom. 24.

Aaa

apostolicis monitis obsequentem semper in Christo bene valere.

## EPISTOLA CCCXVII.

## IOANNIS PAPÆ VIII.

AD EPISCOPOS ET COMITES IN REGNO  
CAROLI CONSTITVTOS.

*Laudat illos, quod in fide constantes erga Carolum perfiterint:  
& de legatis, quos ad componenda diffidia mittebat  
in Galliam.*

**B**ENEDICTVS Deus & Pater domini nostri Iesu Christi, qui vestræ sinceritatis fideique constantiam du riorem, ut ita dixerimus, adamante erga fidelitatem in uitissimi principis domni Caroli spiritalis filii nostri, sem perque Augusti, haec tenus non indebite fecit persistere, & quanti caloris in vobis caritas vigeat, dono gratiæ largitatis suæ clarius demonstrauit: quatenus notam faceret gentibus virtutem gloriæ suæ, & diuitias bonitatis suæ, ad profectum fidelium, & ad correctionem infidelium, omnibus reuelaret. Ostendistis enim, carissimi, quantum sit erga pacis & concordiæ cultum vestræ benevolentiæ benignus affectus, & implevit opere quod ipse a vobis exigit Christus, dicens in euangelio: *Omnia quæcumque vultis ut faciant vobis homines, & vos facite illis.* & apostolus ait: *Fides sine operibus mortua est.* Vnde no ster apostolatus immensa lætitia repletus tripudio, pri mum quidem Deo omnipotenti sufficietes ac laudes debitas, quia nihil sine eo facere possumus, retulit, & vobis, qui studiose tanto imperatori fidem immaculatam seruatis, multimodas gratiarum actiones agere, dignisque vos efferre laudibus non omittit. Siquidem, dilectissimi, satis vobis prudenter consuluitis, quando aliis, quod flentes dicimus, vel sponte, vel callide ac fraudulenter de ceptis, vos, sicut diximus, fidei calore vrentes, & Deum præ oculis habentes, noluistis iniquorum vel tyrannorum fascibus onerari vel maculari. Quin potius restitistis, prauitibus eorum non consensistis, & peccatis alienis minime communicastis. Idcirco libere dicere valebitis: Non ad-

*Matth. 7.  
Iac. 10.*